

# He āwhina mō tō pakihi i Tihema

He raupepa meka tēnei e whakamārama ana i ngā āwhina e taea tonutia ai te whiwhi e tō pakihi nō te Kāwanatanga i te marama o Tihema.

## Pūtea hei whakehaere tonu i tō pakihi

Mēnā he iti noa te moni whiwhi a tō pakihi i Oketopa me Noema nā ngā Pae Mataara KOWHEORI, e whā ngā utunga atu i te Kāwanatanga e āhei tō pakihi te whiwhi. He ōrite tonu mēnā he pakihi takitahi koe.

Me he 30% te heke i tō moni whiwhi atu i tō tētahi wiki māori i mua atu i te tīnhanga o ngā Pae Mataara. He rerekē te rahi o ia utunga. Hei tauira, mehemea he iti tō moni whiwhi i tētahi wiki i waenganui i te 3 o Oketopa me te 9 o Noema, e āhei ana koe te whiwhi pūtea tae atu ki te whā mano tāra anō hoki he whā rau tāra mā ia kaimahi.

E āhei ana koe te whiwhi te katoa o ngā utunga e whā, ā, ehara i te pūtea taurewa – e kore koe e whakahoki te utunga. E kīia ana ēnei utunga ko te Pūtea Whakaara (Resurgence Support Payments) me te Utunga Whakawhitinga (Transition Payment).

Mō te roanga ake, tirohia ki [ird.govt.nz/rsp](http://ird.govt.nz/rsp)

## Pūtea taurewa huamoni iti, kore rānei

Mehemea he iti ake tō moni whiwhi mā te 30% i tētahi rua wiki i tō taua wiki rā anō i tērā tau, tērā pea, ka taea e koe te tono mai mō tētahi Pūtea Taurewa Kapewhiti Pakihi Iti (Small Business Cashflow Loan) mai i te Kāwanatanga. Ka taea e koe te whiwhi tae noa ki te 10,000 tāra me te 1,800 tāra mā ia kaimahi. Kei a koe e rima ngā tau hei utua, ā, e kore koe e utu i te huamoni ki te utu koe i mua i te paunga o te 2 tau.

Mō te roanga ake, tirohia ki [ird.govt.nz/sbcs](http://ird.govt.nz/sbcs)

## Whakarua ake te wā hei utua o tāke

Mehemea kāore o moni hei utu i o tāke ā te wā tika nā te KOWHEORI, ka taea e koe te utu i runga i te wā. E kīia nei tēnei ko te utu harangotengote, ā, ka taea e koe te whakarite ki roto i tō pūkete myIR ki [ird.govt.nz](http://ird.govt.nz), waea mai rānei ki Te Tari Taake ki 0800 227 774. Me tohu hoki te pouaka ki myIR e kī ana kua pāngia tō pakihi e te KOWHEORI.

## He moni hei utua o kaimahi

Kua mutu te nuinga o te Moni Āwhina Mahi (Wage Subsidy), engari ka taea tonutia e koe te whiwhi i te utunga kotahi mehemea ka tono mai koe i mua i te 9 o Tihema.

Mō te roanga ake, tirohia ki [workandincome.govt.nz](http://workandincome.govt.nz)

Me he 40% te heke i tō moni whiwhi i waenganui i te 23 o Noema me te 6 o Tihema atu i tō te rua wiki māori i mua rā anō i te panoni a ngā Pae Mataara. Ka taea e koe ngā tāra tae noa ki te 1,200 mā ia kaimahi ukiuki me te 718 tāra mā ia kaimahi harangotengote. He pūtea tēnei hei āwhina i o kaimahi.

## He moni hei utua ngā kaimahi ka noho ki te kāinga, kāore hoki e taea te mahi

Mehemea ka noho o kaimahi ki te kāinga, kāore hoki e taea te mahi nā te tatari kia whakahokia mai o rātou whakamātaunga KOWHEORI nā te noho mohoa rānei, ka taea e koe te whiwhi tētahi utunga hei āwhina i ā rātou.

E kīia nei ēnei utunga ko te Utu Ngaronga Wā Poto (Short-Term Absence Payment) me te Kaupapa Āwhina Rangi Whakatā (Leave Support Scheme).

Mō te roanga ake, tirohia ki [workandincome.govt.nz](http://workandincome.govt.nz)

## Tautoko mō ngā kaipakihi i Tāmaki Makaurau

Mā te Kaupapa Whakahohe Tāmaki Makaurau e taea e koe te whiwhi he kupu tohutohu pakihi utukore; tautoko hei whakahohe i taua kōrero anō, i ngā kupu tohutohu pakihi rānei o mua; tautoko mō te hauora me te oranga pai; me ngā rauemi pakihi hapori.

Mō te roanga ake, tirohia ki [aucklandnz.com/activateauckland](http://aucklandnz.com/activateauckland)

